

O II TRAIL DOS PENEDOS 2017, rexirase a través do seguinte regulamento que é de obrigada lectura e aceptación por parte de todos os participantes.

INTRODUCCIÓN:

A asociación xuvenil "Nós Somos Nós" ten o pracer de presentar o "II TRAIL DOS PENEDOS 2017". O trail terá inicio no Centro Cultural de Castro Barreiro. Haberá 2 percorridos, un longo que serán aorredor de 27 km e aproximadamente 1300m de desnivel positivo e tamén se fará un mini trail cunha distancia aproximada de 15 km, e 700m de desnivel positivo.

O prezo, se vos inscribides pronto hai importantes descontos, dende o 22/11/2016 ata o 12/12/2016 a inscrición custará 14€ (Longo) e 10€ (Curto). A partires das 23:59 do 12/12/2016 o prezo será de 17€ para o percorrido longo e de 13€ para o curto.

A inscrición da dereito, ademáis da participación no evento, ao seguinte

- Unha tapa de callos, pan, viño tinto e rosca.
- Seguros de RC e Asistencia Sanitaria.
- 2 avituallamentos sólidos e líquidos no percorrido longo.
- 1 avituallamento sólido e líquido no percorrido curto.
- Regalos que a organización poida conseguir.
- Servizo de duchas.
- Servizo de cronometrado.

Este evento deportivo será puntuable para o circuío de www.correrengalicia.org tanto para o de ruta como para o de montaña.

Para recoller os dorsales (que tamen é o vale para os callos) tedes que estar antes da hora de saída. Os dorsales entregaranse a partires das 8:00.

DATA LÍMITE DE INSCRICIÓN: 02/01/2017 23:59

Artigo 1. ORGANIZACIÓN E DESCRICIÓN DA PROBA:

1.1 A Asociación Xuvenil Nós Somos Nós (de agora en diante, A Organización), organiza o II TRAIL DOS PENEDOS 2017.

1.2 Hai dúas modalidades de proba, ambas cronometradas con clasificación xeral:

O Trail longo é unha carreira por montaña con unha distancia de 27 kilómetros e un desnivel positivo de aproximadamente 1300 metros.

O Trail curto é unha carreira por montaña cunha distancia de 15 kilómetros e un desnivel positivo de aproximadamente 700 metros.

1.3 Ambas modalidades de proba se celebrarán o día 8 de Xaneiro de 2017.

1.4 A proba longa dará comezo as 09:00 e a curta ás 9:45 horas e o tempo máximo para finalizalas será de 06:00 horas para o trail de 27km e de 04:00 horas para o trail de 15 km.

1.5 A Organización, conta cos permisos da Xunta de Galicia, a través da Xefatura de Montes, do Exmo. Concello de Salceda de Caselas e das Comunidades de Montes dos municipios por onde transitan ambas probas, para a celebración do II TRAIL DOS PENEDOS 2017.

Artigo 2. RECORRIDO:

2.1 Aínda que por distinto recorrido, en ambas modalidades os itinerarios discorren na súa maioría por pistas forestais e sendas. As persoas que incumplan ou causen danos dentro de espazos privados, serán responsables dos seus feitos.

2.2 Os recorridos estarán balizados pola Organización con cintas de cor vivo, sinais verticais, e outros elementos de sinalización ubicados a intervalos regulares dependendo da tipoloxía do terreo e dos camiños, sendo responsabilidade de cada participante localizar a sinalización e seguila.

Alguns tramos coincidirán con marcas de sendas sinalizadas, prevalecendo sobre estas sinais as balizas colocadas pola Organización.

2.3 Os tramos do recorrido que discorran por carreteras ou rúas de poboacións non estarán cortados ao tráfico rodado, aínda que sí protexidos e indicados por personal da Organización, sendo responsabilidade de cada participante velar pola súa seguridade extremando as precaucións. Todo participante estará obrigado a cumprir ás normas xerais de circulación vial e as indicacións da Organización, sendo responsable de cantas infraccións puidese cometer. Será obrigatorio cruzar as carreteras polos pasos ou lugares habilitados para a ocasión e debidamente sinalizados.

2.4 Será obrigatorio seguir o itinerario marcado.

2.5 Establécense unha serie de puntos de control, con tempos máximos de paso orientativos para os participantes, nos que se recomendará a retirada da proba e seguir as instrucións dos responsables da Organización para retornar ao punto de inicio, pese a non ser obrigatorio.

2.6 En ambas probas disporase de avituallamentos tanto líquidos como sólidos.

Artigo 3. REQUISITOS E INSCRICION DOS PARTICIPANTES:

3.1 Para participar nas dúas probas, débense cumprir os seguintes requisitos:

3.1.1. Ser maior de idade o día da carreira.

3.1.2. É necesario estar previamente inscrito nunha das dúas modalidades e haber pagado a cuota correspondente.

3.1.3. Todo participante, co feito de inscribirse de maneira libre e voluntaria ó II TRAIL DOS PENEDOS 2017, declara coñecer e aceptar as disposicións que conforman o presente Regulamento. Asimesmo, declara coñecer que se trata dunhas probas deportivas de certa esixencia física e manifesta encontrarse nunha adecuada forma física e mental, que lle permite afrontar dito esforzo, asumindo o risco desta práctica deportiva.

En concreto, no momento da inscrición, o participante declara que: “Atópome en adecuado estado de saúde para participar no I Trail dos Penedos, eximindo de toda responsabilidade á Organización, patrocinadores ou outras institucións participantes no evento ante calqueira accidente ou lesión que puidera sufrir antes, durante e/ou despois do evento deportivo, renunciando dende este momento a exercer acción legal en contra de calqueira de ditas entidades. Autorizo ademais a que A Organización faga uso de fotos, vídeos e nome na clasificación das probas, nos medios de comunicación e/ou Internet, sen esperar pago, compensación ou retribución por este concepto”.

3.1.4. A inscrición realizarase na páxina web da Organización www.carnavalcastrobarreiro.com ou na cantina do C.C.S. de Castro Barreiro.

3.2 NON se admitirán inscricións no día da proba.

3.3 NON se establecerá ningún período de devolución das inscricións, excepto os casos por lesión xustificadas mediante informe médico e non antes de 15 días da carreira. En dito caso, devolverase o custo da inscrición.

Artigo 4. METEOROLOXÍA:

4.1. A Organización resérvase o dereito de poder realizar as modificacións que considere necesarias nos recorridos ou incluso a suspensión das probas ata o momento da saída se as condicións meteorolóxicas ou outras causas de forza maior supuxesen algún problema de seguridade para os participantes. Neste caso non se devolvería o importe da inscrición. As probas non se suspenderán polo tempo unha vez comezadas.

Artigo 5. SERVIZO MÉDICO E ASPECTOS DE SEGURIDADE:

5.1 Durante a carreira disporase dunha ambulancia.

5.2 A existencia de medios sanitarios e de seguridade facilitados pola Organización, non exime aos corredores da obriga de ofrecer asistencia a calquera outro participante que o necesite.

5.3 Ao mesmo tempo A Organización disporá de personal (corredor escoba/Quad escoba) que irá pechando as carreiras tras o último dos corredores. Ademais, A Organización colocará personal para orientar e axudar aos participantes en todos aqueles puntos que considere que poden resultar conflictivos.

Artigo 6. CATEGORÍAS E PREMIOS:

6.1 No presente regulamento establécense as seguintes categorías, tanto para o Trail 27km como para o Trail 15km:

- Xeral (3 primeiros clasificados, masculino e feminino)
- Senior (3 primeiros clasificados, masculino e feminino): Dende os 18 anos ata os 40 anos
- Veterano (3 primeiros clasificados, masculino e feminino): Dende os 41 en diante
- Local (3 primeiros clasificados, masculino e feminino): Empadronados no municipio de Salceda de Caselas
- Participante máis maior (masculino e feminino)
- Todos os participantes recibirán unha bolsa do corredor.

6.2 A idade a ter en consideración nestas categorías será a que o participante teña no mesmo día das probas.

6.3 Non se podrán acumular trofeos.

6.4 Outorgaranse trofeos os 3 primeiros clasificados, masculinos e femininos, de cada categoría.

6.5 A entrega de trofeos será aproximadamente sobre as 13:30 horas e A Organización podrá esixir o DNI.

Artigo 7. PENALIZACIÓNS:

7.1 Será motivo de penalización e descalificación das probas:

- Tirar desperdicios durante o recorrido fora dos puntos habilitados a tales efectos nos avituallamentos.
- Denegar auxilio a calquera participante que o necesite.
- Non respetar o itinerario balizado ou sinalización do recorrido para atallar.
- Non facer caso ás indicacións da Organización.
- Non levar o dorsal visible.

- Quitar ou cambiar as marcas do material postas pola Organización.
- Calqueira comportamento considerado como non deportivo, irrespetuoso co resto de participantes ou membros da Organización (exemplo: impedir ser adiantado ou obstaculizar voluntariamente a outro corredor, etc.).
- Provocar de maneira voluntaria, un accidente.

Artigo 8. MATERIAL ACONSELLADO:

8.1 A organización aconsella levar:

- Gorra, viseira ou similar.
- Teléfono móvil.
- Calzado adecuado.
- Mallas longas.
- Vestimenta adecuada para a meteoroloxía.

8.2 Autorízase o uso de bastóns, sempre tendo en conta que a súa utilización deberá ser en condicións que non supoña un risco para o resto de participantes, e que deberán levarse ata meta, non poidéndose deixar en ningún punto do recorrido.

8.3 Cada participante debe ser plenamente consciente da lonxitude e dificultade da proba, que pode desarrollarse, baixo posibles condicións climáticas de calor, choiva ou vento. Polo tanto, debe previr que a súa indumentaria, calzado, así como as condicións físicas necesarias, sexan as máis apropiadas para realizar a proba.

Artigo 9. ECORESPONSABILIDADE:

9.1 O II TRAIL DOS PENEDOS 2017 transcorre por paraxes de alto valor ecolóxico. Os participantes nestas probas saben moi ben que a montaña é un entorno fráxil que debe preservarse. Por isto, dende A Organización, preténdese que esta sexa unha carreira eco-responsable e respetuosa ao máximo coa montaña. O seu obxectivo é ter un impacto nulo sobre o medio natural e a concienciación de todos (participantes e acompañantes) para protexer este entorno excepcional.

9.2 Xestión correcta de residuos. Débense utilizar os puntos de recollida situados nos avituallamientos e/ou próximos aos mesmos, depositando neles tanto os residuos xerados nos avituallamientos (vasos de plástico) como os propios dos participantes (panos de papel, envoltas de suplementos enerxéticos, etc.).

Artigo 10. DEREITOS DE IMAXE:

10.1 Como xa se fixo referencia no Artigo 3, punto 3.1.3 , no momento da inscrición o participante declara que “Autorizo a que A Organización faga uso de fotos, vídeos e nome na clasificación das probas, nos medios de comunicación e/ou en Internet, carteles publicitarios, etc., sen esperar pago, compensación ou retribución por este concepto”.

10.2 A Organización resérvase en exclusividade o dereito sobre a imaxe da proba, así como a explotación audiovisual e periódica da competición. Calqueira proxecto mediático ou publicitario deberá contar co consentimento da Organización.

Artigo 11. PROTECCIÓN DE DATOS:

11.1 Dacordo co establecido na Lei Orgánica 15/1999 do 13 de decembro de Protección de datos de carácter personal, todos os datos dos participantes recollidos no formulario de inscrición serán incluídos nun ficheiro privado propiedade da Organización das probas incluídas no II TRAIL DOS PENEDOS 2017, con fins exclusivos de xestión das mesmas. Todos os interesados podrán exercer os seus dereitos de

acceso, rectificación, cancelación e oposición dos seus datos personales mediante correo electrónico contacto@carnavalcastrobarreiro.com .


Artigo 12. MODIFICACIÓN DO REGULAMENTO:

12.1 A Organización resérvase o dereito a poder modificar o presente Regulamento. As modificacións serán debidamente comunicadas con antelación aos participantes.

12.2 A máxima autoridade é A Organización.

En Salceda de Caselas a 5 de Outubro de 2016

Asdo



Óscar Pino Pérez